

十八家詩鈔

十八家詩鈔卷二目錄

陶淵明五古一百十四首

形影神三首

九日閒居

歸園田居五首

遊斜川

示周續之祖企謝景夷三郎

乞食

諸人共遊周家墓柏下

怨詩楚調示龐主簿鄧治中

答龐參軍

五月旦作和戴主簿

連雨獨飲

移居二首

和劉柴桑

酬劉柴桑

和郭主簿二首

於王撫軍座送客

與殷晉安別

贈羊長史

歲暮和張常侍

和胡西曹示顧賊曹

悲從弟仲德

始作鎮軍參軍經曲阿

庚子歲五月中從都還阻風於規林二首

辛丑歲七月赴假還江陵夜行塗口

癸卯歲始春懷古田舍二首

癸卯歲十二月中作與從弟敬遠

乙巳歲三月爲建威參軍使都經錢溪

還舊居

戊申歲六月中遇火

己酉歲九月九日

庚戌歲九月中於西田穫早稻

丙辰歲八月中於下澗田舍穫

責子

有會而作

蜡日

飲酒二十首

止酒

述酒

擬古九首

雜詩十二首

詠貧士七首

詠二疏

詠三良

詠荆軻

讀山海經十三首

擬挽歌辭三首

桃花源詩

謝康樂五古六十五首

述祖德詩二首

九日從宋公戲馬臺集送孔令

從遊京口北固應詔

永初三年七月十六日之郡初發都

鄰里相送至方山

過始甯墅

富春渚

七里瀨

晚出西射堂

登池上樓

遊南亭

遊赤石進帆海

登江中孤嶼

登永嘉綠嶂山詩

郡東山望溟海詩

遊嶺門山詩

石室山詩

登上戍石鼓山詩

行田登海口盤嶼山

白石巖下徑行田

齋中讀書

命學士講書

種桑詩

初去郡

田南樹園激流植援

石壁精舍還湖中作

登石門最高頂

石門新營所住四面高山迴溪石瀨茂林修竹

於南山往北山經湖中瞻眺

從斤竹澗越嶺溪行

過白岸亭詩

夜宿石門詩

南樓中望所遲客

廬陵王墓下作

還舊園作見顏范二中書

酬從弟惠連五首

登臨海嶠初發疆中作與從弟惠連可見羊何其和之四

首

初發石首城

入東道路詩

身言錄 卷二
五
道路憶山中

入彭蠡湖口

入華子岡是麻源第三谷

登歸瀨三瀑布望兩溪

初往新安桐廬口

擬魏太子鄴中集詩八首


石壁立招提精舍

過瞿溪山僧

七夕詠牛女

彭城宮中直感歲暮

會吟行



十八家詩鈔卷二目錄

善化黃維申襄校

十八家詩鈔卷二

湘鄉曾國藩纂 合肥李鴻章審訂 東湖王定安校

陶淵明五古一百十四首

形影神三首

並序

貴賤賢愚莫不營營以惜生斯甚惑焉故極陳形影之苦言神辨自然以釋之好事君子其取其心焉

形贈影

天地長不沒山川無改時草木得常理霜露榮悴之謂人最靈
智獨復不如茲適見在世中奄去靡歸期奚覺無一人親識豈
相思但餘平生物舉目情悽而我無騰化術必爾不復疑願君

取吾言得酒莫苟辭

影答形

存生不可言衛生每苦拙誠願游崑華邈然茲道絕與子相遇
來未嘗異悲悅憩蔭若暫乖止日終不別此同既難常黯爾俱
時滅身沒名亦盡念之五情熱立善有遺愛胡爲不自竭酒云
能消憂方此詎不劣

神釋

大鈞無私力萬理自森著人爲三才中豈不以我故與君雖異
物生而相依附結託善惡同安得不相語三皇大聖人今復在
何處彭祖愛壽一作非永年欲留不得住老少同一死賢愚無復數

日醉或能忘。將非促齡具。立善常所欣。誰當爲汝譽。甚念傷吾生。正宜委運去。縱浪大化中。不喜亦不懼。應盡便須盡。無復獨多慮。

日醉二句辨形贈影之言
立善二句辨影答形之言

九日閒居

並序

余閒居愛重九之名。秋菊盈園而持醪靡由。空服九華

寄懷於言

世短意常多。斯人樂久生。日月依辰至。舉俗愛其名。露漙暄風息。氣徹天象明。往燕無遺影。來鴈有餘聲。酒能祛百慮。菊解作

爲制頽齡。如何蓬廬士。空視時運傾。塵爵恥虛曩。寒華徒自榮。斂襟獨聞謠。緬焉起深情。棲遲固多娛。淹留豈無成。

時運傾指
易代之事

淹留無成騷人語也今反之謂事業則無所成於道德豈無成耶

歸園田居五首

少無適俗韻。性本愛邱山。誤落塵網中。一去三十年。羈鳥戀舊

林。池魚思故淵。開荒南野際。守拙歸園田。方宅十餘畝。草

屋八九間。榆柳蔭後檐。一作桃李羅堂前。曖曖遠人村。依依墟

里煙。狗吠深巷中。雞鳴桑樹巔。戶庭無塵雜。虛室有餘閒。久在

樊籠裏。復得返自然。識度

野外罕人事。窮巷寡輪鞅。白日掩荆扉。虛室一作對酒絕塵想。時復

墟曲中。一作披草共來往。相見無雜言。但道桑麻長。桑麻

日已長。我土日已廣。常恐霜霰至。零落同草莽。識度

種豆南山下。草盛豆苗稀。晨興理荒穢。帶月荷鋤歸。道狹草木長。夕露沾我衣。衣沾不足惜。但使願無違。識度○東坡云以夕露沾衣之故而違其

所願者多矣

久去山澤游。浪莽林野娛。試攜子姪輩。披榛步荒墟。徘徊邱壑

間。依依昔人居。井竈有遺處。桑竹殘朽株。一作樹木借問採薪

者。此人皆焉如。薪者向我言。死沒無復餘。一世異朝市。此語真

不虛。人生似幻化。終當歸空虛。一作無

悵恨獨策還。崎嶇歷榛曲。山澗清且淺。可一作以濯吾足。漉我

新熟酒。隻雞招近屬。一作局日入空中闌。荆薪代明燭。歡來苦夕

短。已復至天旭。識度

遊斜川 竝序

辛丑正月五日。天氣澄和。風物間美。與二三鄰曲同遊。斜川臨長流。望曾城。魴鯉躍鱗於將夕。水鷗乘和以翻飛。彼南阜者。名實舊矣。不復乃爲嗟嘆。若夫曾城。旁無依接。獨秀中阜。遙想靈山。有愛嘉名。欣對不足。率爾賦詩。悲日月之遂往。悼吾年之不閒。各疏年紀。鄉里以記其時。曰。淮南子。崑崙山有曾城。九重陶公。因目中所見。曾城句。當是斜川。有山名曾城。故愛其嘉名。與崑崙同耳。略庭芝云。曾城落星寺也。然云。獨秀中阜。則是指山寺矣。

開歲倏五十。

一作日

吾生行歸休。念之動中懷。及辰爲茲游。氣和

天惟滌。班坐依遠流。弱湍馳文鮪。閑谷矯鳴鷗。迴澤散游目。緬
然睇曾邱。雖微九重秀。顧瞻無匹儔。提壺接賓侶。引滿更獻酬。
未知從今去。當復如此不。中腸縱遙情。中腸一作中觴猶大謝詩之中飲卽酒半也
忘彼千載憂。且極今朝樂。明日非所求。

示周續之祖企謝景夷三郎時三人皆講禮校書

負痾頽檐下。終日無一欣。藥石有時間。念我意中人。相去不尋

常。言不近也道路邈何無。一作無因周生述孔業。祖謝響然臻。薦補表羣士響臻

道喪向千載。今朝復斯聞。馬隊非講肄。校書亦已勤。老夫有所

愛。思與爾爲鄰。願言誨諸子。從我潁水濱。

乞食

飢來驅我去。不知竟何之。行行至斯里。叩門拙言辭。主人解余意。遺贈豈虛來。談諧終日夕。觴至輒傾杯。情欣新知歡。興言遂賦詩。感子漂母惠。愧我非韓才。銜戢知何謝。冥報以相貽。

諸人共遊周家墓柏下

今日天氣佳。清吹與鳴彈。感彼柏下人。安得不爲歡。清歌散新聲。綠酒開芳顏。未知明日事。余襟良已殫。

怨詩楚調示龐主簿鄧治中

古今樂錄載怨詩始於下和繼以班婕妤好蓋傷不見知之

意此篇之末亦傷世無知己也

天道幽且遠。鬼神茫昧然。結髮念善事。僂俛六九年。弱冠逢世阻。始室喪其偏。炎火屢焚如。螟蟻恣中田。風雨縱橫至。收斂不

盈。夏。日。抱。長。一作飽。寒。夜。無。被。眠。造。夕。思。雞。鳴。及。晨。願。鳥。還。
在。已。何。怨。天。離。憂。悽。目。前。吁。嗟。身。後。名。於。我。若。浮。煙。慷。慨。獨。悲。
歌。鍾。期。信。爲。賢。

答龐參軍

有序

三復來貺欲罷不能自爾鄰曲冬春再交款然良對忽
成舊遊俗諺云數面成親舊況情過此者乎人事好乖
便當語離楊公揚永也所歎豈惟長悲吾抱疾多年不復
爲文本既不豐復老病繼之輒依周孔往復之義且爲
別後相思之資本既不豐謂素癯瘠也

相知何必舊傾蓋定前言有客賞我趣每每顧林園談諧無俗

調所說聖人篇或有數斗酒閒飲自歡然我實幽居士無復東西緣物新人惟舊弱毫多所宣情通萬里外形跡滯江山君其愛體素來會在何年

五月旦作和戴主簿

虛舟縱逸棹回復遂無窮回復者去復來復去也發歲若俛仰星紀奄將

中明兩萃時物一作南窗北林榮且豐神淵寫時雨晨色奏景

風既來孰不去人理固有終居常待其盡曲肱豈傷冲遷化或

夷險肆志無窟隆即事如己高何必升華嵩史記律書景風者居南方

連雨獨飲

運生會歸盡終古謂之然世間有松喬於今定何聞故老贈余

酒乃言飲得仙。試酌百情遠。重觴忽忘天。豈去此哉。任真無
所先。雲鶴有奇翼。八表須臾還。自我抱茲獨。俚俛四十年。形骸
久已化。心在復何言。識度

移居二首

昔欲居南村。非爲卜其宅。聞多素心人。樂與數農夕。懷此頗有
年。今日從茲役。敝廬何必廣。取足蔽牀席。鄰曲時時來。抗言談
在昔。奇交共欣賞。疑義相與析。識度

春秋多佳日。登高賦新詩。過門更相呼。有酒斟酌之。農務各自
歸。閒暇輒相思。相思則披衣。起往相訪也言笑無厭時。此理將不勝。
無爲忽去茲。衣食當須幾。一作力耕不吾欺識度此理二句

爲舍而
去之也

和劉柴桑

山澤久相招。胡事乃躊躇。直爲親舊故。未忍言索居。良辰入奇懷。挈杖還西廬。荒塗無歸人。時時見廢墟。芻茨已就治。新疇復應畚。谷風轉淒薄。春醪解飢劬。弱女雖非男。慰情良勝無。棲棲世中事。歲月共相疏。耕織稱其用。過此奚所須。去去百年外。身名同駟如。

酬劉柴桑

窮居寡人用。時忘四運周。空門一作庭多落葉。慨然已知秋。新葵鬱北牖。嘉穠眷一作南疇。今我不爲樂。知有來歲不。命室攜童

弱良日登遠遊

和郭主簿二首

靄靄堂前林中夏。貯清陰。凱風因時來。回飈開我襟。息交遊。閒

臥坐起弄書琴。一作息交遊閒園蔬有餘滋。鷲穀猶儲今。營已

良有極。過足非所欽。春秫作美酒。酒熟吾自斟。弱子戲我側。學

語未成音。此事真復樂。聊用忘華簪。遙遙望白雲。懷古一何深。

和澤周三春。清涼素一作華秋節。露凝無游氛。天高風景澈。陵岑

聳逸峯。遙瞻皆奇絕。芳菊開林耀。青松冠巖列。懷此貞秀姿。卓

爲霜下傑。銜觴念幽人。千載撫爾訣。檢素不獲展。厭厭竟良月。

於王撫軍座送客

王弘爲撫軍將軍江州刺史庾登之爲西陽太守時被徵還京謝瞻爲豫章太守

守時將赴郡王撫軍於滏

浦能之或邀陶公預宴

秋日淒且厲。百卉具已彫。爰以履霜節。登高餞將歸。寒氣冒山澤。游雲倏無依。洲渚思緬邈。風水互乖違。瞻夕欣良讌。離言聿云悲。晨鳥暮來還。懸車斂餘輝。淮南子日至悲。泉是謂懸車。逝一作止。判殊路。旋駕恨遲遲。目送回舟遠。情隨萬化遷。

與殷晉安別

有片。殷景仁名。職。

殷先作晉安南府長史掾。因居潯陽。後作太尉。劉裕參軍。

移家東下。作此以贈。

遊好非久長。一遇盡殷勤。信宿酬清話。益復知爲親。去歲家南里。薄作少時鄰。負杖肆游從。淹留忘宵晨。語默自殊勢。亦知當

乖分未謂事已及。興言在茲春。飄飄西來風。悠悠東去雲。山川千里外。言笑難爲因。良才不隱世。指殷江湖多賤貧。陶公自指脫有經過便念來存故人。

贈羊長史

有序○羊名松齡

左軍羊長史銜使秦川作此與之

愚生三季後。慨然念黃虞。得知千載上。政賴古人書。賢聖畱餘跡。華事在中都。豈忘游心目。關河不可踰。九域甫已一。逝將理舟輿。聞君當先邁。負病不獲俱。路若經商山。爲我少躊躇。多謝綺與角。精爽今何如。紫芝誰復採。深色久應蕪。駟馬無貴患。貧賤有交娛。清謠結心曲。人乖運見疏。擁懷累代下。言盡意不舒。

識度○劉裕破秦以後霸業已盛玉步將更故前者思游中都
而九域未一今者九域已一而世代將改但當從綺角游耳
馬不貴憂患貧賤或多
欺娛亦公之素志也

歲暮和張常侍

市朝懷舊人驟驥感悲泉
明且非今日歲暮余何言
素顏斂潤白髮一已繁
闊哉秦穆談齊力豈未愆
向夕長風起寒雲沒西山
冽冽氣遂嚴紛紛飛鳥還
民生鮮常在矧伊愁苦纏
屢闕清醕至無以樂當年
窮通靡攸慮顛顛由化遷
撫己有深懷履運增慨然

和胡西曹示顧賊曹

蕤賓五月中清朝起南颺
不駛亦不遲飄飄吹我衣
重雲蔽白日

日閒雨紛微。微流目視西園。嗸嗸榮紫。葵於今甚可愛。奈何當
復衰。一作當樂感物願及時。每恨靡所揮。悠悠待秋稼。寥落將
賒遲。逸想不可淹。猖狂獨長悲。

悲從弟仲德

銜哀過舊宅。悲淚應心零。借問爲誰悲。懷人在九冥。禮服名羣
從。恩愛若同生。門前執手時。何意爾先傾。在數竟未免。爲山不
及成。慈母沈哀疚。二肩纒數齡。雙位委空館。朝夕無哭聲。流塵
集虛坐。宿草旅前庭。階除曠遊迹。園林獨餘情。翳然乘化去。終
天不復形。遲遲將回步。惻惻悲襟盈。一作盈

始作鎮軍參軍經曲阿

宋武帝行鎮軍將
軍陶公參其軍事

弱齡寄事外。委懷在琴書。被褐欣自得。屢空常晏如。時來苟冥

會。謂無心遇之也。觀一荷字明其爲。婉變一作憩。通衢。投策命

晨裝。暫與田園疏。眇眇孤舟逝。綿綿歸思紆。我行豈不遙。登陟

千里餘。目倦川塗異。心念山澤居。望雲慚高鳥。臨水愧游魚。真

想初在襟。誰謂形蹟拘。聊且憑化遷。終返班生廬。識度

庚子歲五月中從都還阻風於規林二首

行行循歸路。計日望舊居。一欣侍溫顏。再喜見友于。鼓棹路崎

曲。指景限西隅。江山豈不險。歸子念前途。凱風負我心。戢柁守

窮湖。高舂眇無界。夏木獨森疏。誰言客舟遠。近瞻百里餘。延目

識南嶺。空歎將焉如。

自古歎行役。我今始知之。山川一何曠。巽坎難與期。巽順也。坎

巽風也。坎水也。崩浪聒天響。長風無息時。久游戀所生。如何淹在茲。或曰

念園林好人間。良可辭。當年詎有幾。縱心復何疑。

辛丑歲七月赴假還江陵夜行塗口

閒居三十載。遂與塵事冥。詩書敦宿好。林園無俗情。如何舍此

去。遙遙至南荆。叩枻新秋月。臨流別友生。涼風起將夕。景湛

虛明。昭昭天宇闊。皛皛川上平。懷役不遑寐。中宵尚孤征。商歌

非吾事。淮南子曰。溝咸商歌。車下桓公慨然而慟。許慎曰。溝。衛人節。齊桓公與。霸無因。自達將車。自往。商秋聲也。

依依在耜耕。投冠旋舊墟。不爲好爵榮。養真衡茅下。庶以善自

名。

癸卯歲始春懷古田舍二首

在昔聞南畝。當年竟未踐。屢空既有人。春興豈自免。夙晨裝吾

駕。啟塗情已緬。鳥弄歡新節。冷風送餘善。一作鳥弄新節。寒竹

一作草被荒蹊。地爲旱。一作幽人遠。是以植杖翁。悠然不復返。卽理

愧通識。所保詎乃淺。一作成

先師有遺訓。憂道不憂貧。瞻望邈難逮。轉欲志長勤。秉耒歡時

務。解顏勸農人。平疇交遠風。良苗亦懷新。雖未量歲功。卽事多

所欣。耕種有時息。行者無問津。日入相與歸。壺漿勞近鄰。長吟

掩柴門。聊爲隴畝民。

癸卯歲十二月中作與從弟敬遠

寢迹衡門下。邈與世相絕。顧盼莫誰知。荆扉晝常閉。必結淒淒
歲暮風。騭騭經夕。一作月雪傾耳無希聲。在目皓已潔。勁氣侵襟
袖。箠瓢謝屣設。蕭索空字中。了無一可悅。歷覽千載書。時時見
邁烈高操。非所攀。一作深得固窮節。平津苟不由。棲遲詎爲拙。
寄意一言外。茲契誰能別。平津二句言苟不慕公孫宏之丞相
封侯則栖遲山林亦未爲拙也不由

謂不由
其道也

乙巳歲三月爲建威參軍使都經錢溪

我不踐斯境。歲月好已積。晨夕看山川。事事悉如昔。微雨洗高
林。清飈矯雲翮。眷彼品物存。義風都未隔。伊余何爲者。勉勵從
茲役。一形似有制。一字似
有誤素襟不可易。園田日夢想。安得久離

板終懷在歸

一作舟

諒哉宜

一作負

霜柏

趙泉山曰此詩大旨慶
遇先帝光復大業不失

也

還舊居

南康志近城五里地名
上京亦有淵明故居

疇昔家上京

六一作十

載去還歸今日始復來
惻愴多所悲阡陌

不移舊邑屋或時非履歷周故居
隣老罕復遺步步尋往迹有

處特依依流幻百年中寒暑日相推
常恐大化盡氣力不及衰

撥置且莫念一觴聊可揮

戊申歲六月中遇火

草廬寄窮巷甘以辭華軒
正夏長風急林室頓燒燔
一宅無遺

宇舫舟蔭門前迢迢新秋夕
亭亭月將圓果菜始復生
驚鳥尙

未還中宵此遙念。一盼周九天。總髮抱孤介。一作奄出四十年。
形迹憑化往。靈府長獨閒。貞剛自有質。玉石乃非堅。仰想東戶
時。餘糧宿中田。鼓腹無所思。朝起暮歸眠。既已不遇茲。且遂灌
我園。

己酉歲九月九日

靡靡秋已夕。淒淒風露交。蔓草不復榮。園木空自彫。清氣澄餘
滓。杳然天界高。哀蟬無畱一作響。鴈鳴雲霄。萬化相尋
繹。人生豈不勞。從古皆有沒。念之中心焦。何以稱我情。濁酒且
自陶。千載非所知。聊以永今朝。

庚戌歲九月中於西田穫早稻

人生歸有道，衣食固其端。孰是都不營，而以求自安。開春理常業，歲功聊可觀。晨出肆微勤，日入負耒還。山中饒霜露，風氣亦先寒。田家豈不苦，弗獲辭此難。四體誠乃疲，庶無異患。千盥濯息檐下，斗酒散襟_{一作}顏。遙遙沮溺心，千載乃相關。但願長如此，躬耕非所歎。識度

丙辰歲八月申於下澣田舍穫

貧居依

事一作

稼穡戮力東林隈，不言春作苦。常恐負所懷，司田

眷有秋寄聲。與我諧飢者，歡初飽束帶。候鳴雞，揚楫越平湖。汎

隨清壑，迴鬱鬱荒山裏。猿聲閒且哀，悲風愛靜夜。

一作

林鳥喜

晨開曰余作此來三四星火頽，姿年逝已老。其事未云乖，遙謝

荷篠騎聊得從君栖

賁子

寄儼宣侯雍份端佚通修凡五人舒宣雍端通皆小名

白髮被兩鬢。肌膚不復實。雖有五男兒。總不好紙筆。阿舒已二八。懶惰故無匹。阿宣行志學。而不愛文術。雍端年十三。不識六與七。通子垂九齡。但覓梨與栗。天運苟如此。且進杯中物。識度

有會而作

並序

舊穀既沒。新穀未登。頗爲老農。而值年災。日月尙悠。爲患未已。登歲之功。既不可希。朝夕所資。煙火裁通。旬日已來。始念飢乏。歲云夕矣。慨然永懷。今我不述。後生何聞哉。

弱年逢家乏。老至更長飢。菽麥實所羨。孰敢慕甘肥。怒如亞九
飯。當暑厭寒衣。歲月將欲暮。如何辛苦悲。常善粥者心。深恨蒙
袂非。嗟來何足吝。徒沒空自遺。斯濫豈彼志。固窮夙所歸。餒也
已矣夫。在昔余多師。

蜡日

風雪送餘暉。無妨時已和。梅柳夾門植。一條有佳花。我唱爾言
得。酒中適何多。未能明多少。章山有奇歌。

飲酒二十首 有序

余閒居寡歡。兼比夜已長。偶有名酒。無夕不飲。顧影獨
盡。忽焉復醉。既醉之後。輒題數句。自娛。紙墨遂多。辭無

詮次聊命故人書之以爲歡笑爾。

衰榮無定在。彼此更其之。邵生瓜田中。甯似東陵時。寒暑有代謝。人道每如茲。達人解其會。一作趣逝將不復疑。忽與一觴酒。日

夕歡相一作自持。識度

積善云有報。夷叔在

一作飢

西山。善惡苟不應。何事空立言。九十

行帶索。飢寒況當年。不賴固窮節。百世當誰傳。

榮啟期事見列子至於九十猶

不免行而帶索則自少壯至老當年之飢寒不可勝述矣

道喪向千載。人人惜其情。有酒不肯飲。但願世間名。所以貴我身。豈不在一生。一生復能幾。倏如流電驚。鼎鼎百年內。持此欲

何成。

棲棲失羣鳥。日暮猶獨飛。徘徊無定止。夜夜聲轉悲。屬響思清

晨。遠去何所依。一作屬響思清。遠去來何依依。因值孤生松。斂翮遙來歸。勁風

無榮木。此蔭獨不衰。託身已得所。千載不相違。識度。趙泉山曰。此詩譏切殷

景七。顏延年。輩附麗於宋。

結廬在人境。而無車馬喧。問君何能爾。心遠地自偏。採菊東籬

下。悠然見南山。山氣日夕佳。飛鳥相與還。此中有真意。欲辯已

忘言。識度。此首文選錄入雜詩中。

行止千萬端。誰知非與是。是非苟相形。雷同共譽毀。三季多此

事。達士似不爾。咄咄俗中愚。且當從黃綺。湯東澗曰。此篇言季世出處不齊。士皆以

乘時自奮為賢。吾知從黃綺而已。

秋菊有佳色。裛露掇其英。汎此忘憂物。遠我遺世情。一觴雖獨
進。杯盡壺自傾。日入羣動息。歸鳥趨林鳴。嘯傲東軒下。聊復得

此生

識度。此首文選錄入雜詩中。

青松在東園。眾草沒其姿。凝霜殄異類。卓然見高枝。連林人不
覺。獨樹眾乃奇。提壺挂寒柯。遠望時復爲。吾生夢幻間。何事繼

塵羈

識度

清晨聞叩門。倒裳往自開。問子爲誰歟。田父有好懷。壺漿遠見
候。疑我與時乖。繼縷帶檐下。未足爲高樓。一世皆尙同。願君汨
其泥。深感父老言。稟氣寡所諧。紆轡誠可學。違己詎非迷。且共
歡此飲。吾駕不可回。

識度

在昔曾遠遊直去東海隅道路迴且長風波阻一作起中塗此行

誰使然似為飢所驅傾身營一飽少許便有餘恐此非名計息

駕歸閒居識度○趙泉山曰此篇述其為貧而仕

顏生稱為仁榮公歸有道屢空不獲年長飢至於老雖留身後

名一生亦枯槁死去何所知稱心固為好客一作各養千金軀臨

化消其寶裸葬何必惡人當解意表識度○歸猶稱也論語天下歸仁焉稱其仁也曹植

詩眾工歸我姍稱其姍也此歸字與上句稱字對舉互見長公會一仕長公張壯節忽失時杜門不復出終身與世辭仲

理歸大澤仲理楊高風始在一作如茲一往便當已何為復狐疑

去去當奚道世俗久相欺擺落悠悠談請從余所之

有客常同止取舍邈異境一士長獨醉一夫終年醒醒醉還相

笑發言各不領規規一何愚兀傲差若穎寄言酣中客日沒獨

何炳一作燭可炳○晉宋間以同屈爲同止兩人同居一

故人賞我趣擊壺相與至班荆坐松下數酌已復醉父老雜亂

言觴酌失行次不覺知有我安知物爲貴悠悠迷所畱酒中有

深味

貧士乏人工灌木荒余宅班班有翔鳥寂寂無行跡宇宙何悠

悠一作一何悠人生少至百歲月相從過一作催逼鬢邊早已白若不委

窮達素抱深可惜

少年罕人事游好在六經行行向不惑淹畱遂一作自無成竟抱

窮苦節飢寒飽所更敝廬交悲風荒草沒前庭披褐守長夜晨

雞不肯鳴孟公不在茲終以翳吾情

孟公陳遵也

幽蘭生前庭含薰待清風清風脫然至見別蕭艾中行行失故

路任道或能通覺悟當念還烏盡廢良弓

鳥盡弓藏湯東閭以爲借昔人去國之語

喻已歸田之志

子雲性嗜酒家貧無由得時賴好事人載醪祛所惑觴來爲之

盡是謠無不塞有時不肯言豈不在伐國仁者用其心何嘗失

顯

賦度○末句用柳下惠事蓋以揚雄柳下自比

曠昔苦長飢投耒去學仕將養不得節凍餒固

一作纏已是時

向立年志意多所恥遂盡介然分拂衣

一作歸田里冉冉星氣

流亭亭復一紀世路廓悠悠楊朱所以止雖無揮金事濁酒聊

可恃

彭澤之歸在義熙元年此云復一紀則賦此飲酒常是義熙十二三年間

義農去我久舉世少復真汲汲魯中叟彌縫使其濟鳳鳥雖不
至禮樂暫得新洙泗輟微響漂流逮狂秦詩書復何罪一朝成
灰塵區區諸老翁爲事誠殷勤如何絕世下六籍無一親終日
馳車走不見所問津若復不快飲空負頭上巾但恨多謬誤君
當恕醉人度識

止酒

居止次城邑逍遙自閑止坐止高蔭下步止華門裏好味止園
葵大懼止穉子平生不止酒止酒情無喜暮止不安寢晨止不

能起日日欲止之營衛止不理徒知止不樂未信一作止利己

始覺止爲善今朝真止矣從此一止去將止扶桑淡清顏止宿

容奚止千萬祀首六句止字俱不貼酒說

述酒

舊注儀狄造酒杜康潤色之○劉裕以毒酒一甞授

蓋恭帝哀詩茲摘鈔一二吳師道補湯之說亦附鈔之

重離照南陸鳴鳥聲相聞司馬氏出重黎之後以秋草雖未黃

融風火已分素礫晶修渚南嶽無餘雲修渚指長江卽江左也

己上言晉室南渡固雖豫章抗高門重華固靈墳劉裕初封豫

宋也流淚抱中歎傾耳聽司農因恭帝之獄故流神州獻佳

粟西靈爲我馴義熙十四年羣縣人獻嘉禾西靈當諸梁董師

旅非勝喪其身

葉公役自公勝喻希山陽歸下國成名猶不勤

法不勤成名曰靈○二句以魏降漢獻爲山陽

公而卒獄之喻裕廢帝爲零陵王而卒獄之也

卜生善斯牧

安樂不爲君

安樂公蓋以劉禪比恭帝

平生去舊京。峽口納遺薰。雙陵甫云

育三趾。顯奇文。王子愛清吹。日中翔河汾。朱公練九齒。間居離

世紛

卜生何平生八句不甚可

我我西嶺內。偃息常所親。天容

自永固。彭殤非等倫。

西嶺當指恭帝所葬之地。謂偃息邱山。天容自固。豈與尋常之壽夭並論哉。

擬古九首

榮榮窗下蘭。密密堂前柳。初與君別時。不謂行當久。出門萬里

客。中道逢嘉友。未言心相醉。不在接杯酒。蘭枯柳亦衰。遂令此

言負

一作時沒

多謝諸少年。相知不忠

一作相

厚。意氣傾人命。離

身還朽

五古

陶潛

陶潛

陶潛

隔復何有

陳沆曰淵明初辭義熙之辟亦謂時未可以仕耳豈圖大命遽傾終古永訣哉

辭家夙嚴駕當往志無終問君今何行非商復非戎聞有田子

泰節義爲士雄斯人久已死鄉里習其風生有高世名既沒傳

無窮不學狂驅

一作馳

子直在百年中

田疇字子泰事劉虞虞爲公孫瓚所害誓爲報讐不

送陶公蓋以隣自比

仲春遭時雨始雷發東隅眾蟄各潛駭草木從橫

一作舒翩翩

新來燕雙雙入我廬先巢故尚在相將還舊居自從分別來門

庭日荒蕪我心固匪石君情定何如

陳沆曰舊巢尚在主人安在燕獨何心忍戀新而忘

耶舊

迢迢百尺樓分明望四荒暮作歸雲宅朝爲飛鳥堂山河滿目

中平原轉

毛作獨

茫茫古時功名士。慷慨爭此場。一旦百歲後相

與還北邙。

松柏爲人伐。高墳互低昂。顏基無遺主。遊魂在何方。

榮華誠足貴。亦復可憐傷。

識度

陳沆曰山河功名戰。慨謂平定燕秦之人也。

東方有一士。被服常不完。三旬九遇食。十年著一冠。辛苦無此

比。常有好容顏。我欲觀其人。晨去越河關。青松夾路生。白雲宿

檐端。知我故來意。取琴爲我彈。上絃驚別鶴。下絃操孤鸞。願畱

就君住。從今至歲寒。

識度。陳沆曰。此淵明自詠。

蒼蒼谷中樹。冬夏常如茲。年年見霜雪。誰謂不知時。厭聞世上

語。結友到臨淄。稷下多談士。指彼決吾疑。裝束既有日。已與家

人辭。行行停出門。還坐更自思。不怨道里長。但畏人我欺。萬一

不合意永爲世笑。嗟一作伊懷難具道爲君作此詩亦詹尹問

卜之類淵明不仕之志久定姑託爲訪卜叢下之辭耳

日暮天無雲春風扇微和佳人美清夜達曙酣且歌歌竟長歎

息持此感人多皎皎雲間月灼灼葉中華豈無一時好不久當

如何識度○前六句公自詠後四句歎趨時附勢之人

少時壯且厲撫劍獨行游誰言行游近張掖至幽州飢食首陽

薇渴飲易水流不見相知人唯見古時邱路邊兩高墳伯牙與

莊周此士難再得吾行欲何求首陽易水伯牙莊周陶公之志事可見矣

種桑長江邊三年望當採枝條始欲茂忽值山河改柯葉自摧

折根株浮滄海春蠶既無食寒衣欲誰待本不植高原今日復

何悔。

識度○兩晉立國本無苞桑之固干寶論之詳矣末二句似追咎謀國者之不臧

雜詩十二首

人生無根蒂。飄如陌上塵。分散逐風轉。此已非常身。落地爲一作

流落

成。兄弟何必骨肉親。得歡當作樂。斗酒聚比鄰。盛年不重來。

一日難再晨。及時當勉勵。歲月不待人。

落地爲兄弟言隨處相逢皆兄弟也

白日淪西河。素月出東嶺。遙遙萬里輝。蕩蕩空中景。風來入房

戶。夜中枕席冷。氣變悟時易。不眠知夕永。欲言無子和。揮杯勸

孤影。日月擲人去。有志不獲騁。念此懷悲悽。終曉不能靜。

榮華難久居。盛衰不可量。昔爲三春棗。今作秋蓮房。嚴霜結野

草。枯悴未遽央。日月還復周。

一作有

環

我去不再陽。眷眷往昔時。

陶潛

二

憶此斷人腸。

此篇亦感興亡之意。

丈夫志四海，我願不知老。親戚共一處，子孫還相保。觴絃肆朝

日，樽中酒不燥。緩帶盡歡娛，起晚眠常早。孰若當世士，冰炭滿

懷抱。百年歸邱壟，用此空名道。不知老句貫下六句，謂自少至老，祇在一邱一壑之中，與親戚

子孫相聚，正與四海句相反。未四句謂死後縱有空名而生前冰炭滿懷，已不勝其苦矣。

憶我少壯時，無樂自欣豫。猛志逸四海，騫翮思遠翥。荏苒歲月

頽，此心稍已去。值歡無復娛，每多憂慮氣力漸衰損。轉覺日

不如壑，舟無須臾引。我不得住，前途當幾許。未知止泊處，古人

惜寸陰，念此使人懼。

昔聞長者言，掩耳每不喜。奈何五十年，忽已親此事。求我盛年

歡一毫無復意。去去轉欲遠。此生難一作豈再值。傾家持一作時作

樂。竟此歲月駛。有子不畱金。何用身後置。

日月不肯遲。四時相催迫。寒風拂枯條。落葉掩長陌。弱質與運

頽。玄鬢早已白。素標插人頭。前途漸就窄。家爲逆旅舍。我如當

去客。去去欲何之。南山有舊宅。素髮在頭若標識。然前途漸窄。猶云來日漸短也。

代耕本非望。代耕也。所業在田桑。躬親未曾替。寒餒常糟糠。豈期

過滿腹。但願飽粳糧。御冬足大布。麻絺以應陽。政爾不能得。哀

哉亦可傷。人皆盡獲宜。拙生失其方。理也可奈何。且爲陶一觴。

既失其方則寒餒乃其理也。

遙遙從羈役。一心處兩端。掩淚汎東逝。順流追時遷。日沒星與

鼎勢駢西山巔蕭條隔天涯惆悵念常飡慷慨思南歸路遐無
由緣關梁難虧替絕音寄斯篇淵明未嘗有遠行之役似因故
國已亡譬若遠行在外無家可

歸託爲之辭後二首亦
有行役之感不甚可解

閒居執蕩志時駛不可稽驅役無停息軒裳逝東崖沈陰擬蕭
屬寒氣激我懷歲月有常御我來淹已彌慷慨憶綢繆此情久
已離荏苒經十載暫爲人所羈庭宇翳餘木倏忽日月虧

我行未云遠回顧慘風涼春燕應節起高飛拂塵梁邊鴈悲無
所代謝歸北鄉離鷗鳴清池涉暑經秋霜愁人難爲辭遙遙春
夜長

娟娟松標巖婉變柔童子年始三五間喬柯何可倚

一作柯條
何洋洋又

作華柯
眞可寄
養色含
津氣粲
然有心理
東坡和陶
詩無此篇

詠貧士七首

萬族各有託。孤雲獨無依。
曖曖空中滅。何時見餘暉。
朝霞開宿霧。眾鳥相與飛。
遲遲出林翮。未夕復來歸。
一作已量力守故轍。
豈不寒與飢。知音苟不存。
已矣何所悲。
識度。雲見而隨滅。鳥出而復歸。皆喻己之甘守故轍。早賦歸來也。湯東淵曰。孤雲倦翮。以喻舉世皆乘風雲而已。獨無攀緣飛翻之意。帝忍飢寒以守志節。縱無知此意者亦不足悲也。

淒厲歲云暮。擁短一作褐曝前軒。
南圃無遺秀。枯條盈北園。
傾壺絕餘瀝。鬪竈不見煙。
詩書塞座外。日昃不遑研。
閭居非陳厄。竊有愠見言。
何以慰吾懷。
賴古多此賢。
識度

榮與老帶索欣然方彈琴原生納決履清歌唱商一作音重華

去我久貧士世相尋敝襟不掩肘藜羹常乏斟豈忘龔輕裘苟

得非所欽賜也徒能辯乃不見吾心識度

安貧守賤者自古有黔婁好爵吾不榮厚饋吾不酬一旦壽命

盡敝服仍一作敝不周豈不知其極非道故無憂從來將千載

未復見斯儔朝與仁義生夕死復何求識度

袁安困積雪邈然不可干阮公見錢入即日棄其官芻藁有常

溫採芣足朝飧豈不實辛苦所懼非飢寒貧富常交戰道勝無

戚一作厚顏至德冠邦閭清節映西關

仲蔚愛窮居遶宅生蒿蓬翳然絕交游賦詩頗能工舉世無知

者

一作音

止有一劉龔此士胡獨然實由罕所同介焉安其業所

樂非窮通人事

固以拙聊得長相從

壯于古之得道者窮亦樂通亦樂所樂非窮通也

昔在黃子廉彈冠佐名州一朝辭吏歸清貧略難儻年飢感仁

妻泣涕向我流丈夫雖有志固爲兒女憂惠孫一晤歎腆贈竟

莫酬誰云固窮難邈哉此前修

黃蓋傳云南陽太守黃子廉之後也

詠二疏

湯東淵曰二疏取其歸三良與主同死荆軻爲主報仇皆託古以自見云

大象轉四時功成者自去借問衰周來幾人得其趣游目漢廷

中二疏復此舉高嘯返舊居長揖儲君傳餞送傾皇朝華軒盈

道路離別情所悲餘榮何足顧事勝感行人賢哉豈常譽厭厭

閭里歡所營非近務促席延故老揮觴道平素問金終寄心清

言曉未悟。放意樂餘年。違惜身後慮。誰云其人亡。久而道彌著。

詠三良

彈冠乘通津。但懼時我遺。服勤盡歲月。常恐功愈微。忠情謬獲
露。遂爲君所私。出則陪文輿。入必侍丹帷。箴規嚮已從。計議初
無虧。一朝長逝後。願言同此歸。厚恩固難忘。君命安可違。臨穴
固遲疑。投義志。攸希荆棘籠高墳。黃鳥聲正悲。良人不可贖。泣
然霑我衣。

詠荆軻

燕丹善養士。志在報強嬴。招集百夫良。歲暮得荆卿。君子死知
已。提劍出燕京。素驥鳴廣陌。慷慨送我行。雄髮指危冠。猛氣衝

長纓飲餞易水上。四座列羣英。漸離擊悲筑。宋意唱高聲。蕭蕭
哀風逝。淡淡寒波生。商音更流涕。羽奏壯士驚。心知去不歸。且
有後世名。登車何時顧。飛蓋入秦庭。凌厲越萬里。逶迤過千城。
圖窮事自至。豪主正怔營。惜哉劔術疏。奇功遂不成。其人雖已
沒。千載有餘情。

一作斯人久已沒。千載有深情。淮南子
高漸離宋意爲擊筑而歌於易水之上。

讀山海經十三首

孟夏草木長。遶屋樹扶疏。眾鳥欣有託。吾亦愛吾廬。既耕亦已
種。時還讀我書。窮巷隔深轍。頗迴故人車。歡言酌春酒。摘我園
中蔬。微雨從東來。好風與之俱。汎覽周王傳。流觀山海圖。俯仰
終宇宙。不樂復何如。

識度。周穆天子傳者。太康二
年。汲縣民發古冢。所獲書也。

玉臺

一作堂

凌霞秀王母怡妙顏天地共俱生不知幾何年靈化

無窮已館宇非一山高酣發新謠甯效俗中言

山海經云玉山王母所居郭璞

注云王母亦有離宮別館不專住一山也○穆天子傳西王母宴穆王於瑤池之上爲天子謠曰云云

迢遞槐江嶺是謂玄圃邱西南望崑墟一作崑崙光氣難與儔亭亭

明玕照落落清瑤流恨不及周穆託乘一來游

西山經槐江之山其上多琅玕

實惟帝之玄圃南望崑崙其光態熊其氣魂魂爰有淫流其清洛洛瑤流卽淫流也

丹木生何許迺在崑山陽黃花復朱實食之壽命長白玉凝素

旒瑾瑜發奇光豈伊君子寶見重我軒黃

崑音密山海經云崑山上多丹木黃華而

赤實丹水出焉其中多白玉是有玉膏黃帝是食是饗

翩翩三青鳥毛色奇可憐朝爲王母使暮歸三危山我欲因此

鳥具向王母言。在世無所須。惟酒與長年。

山海經云三青鳥主爲西王母取食。又曰

三危之山三青鳥居之

逍遙蕪皋上。杳然望扶木。其柯百萬尋。森散覆暘谷。靈人侍丹

池。朝朝爲日浴。神景一登天。何幽不見燭。

東山經蕪皋之山東望博木海外東經暘

谷上有扶桑十日所浴

粲粲三珠樹。寄生赤水陰。亭亭凌風桂。八榦其成林。靈鳳撫雲

舞。神鸞調玉音。雖非世上寶。爰得王母心。

山經云三珠樹生赤水。上桂林八樹在番

隅。東八樹而成林。言其大也。我民之國鸞鳥自歌。鳳鳥自舞。

自古皆有沒。何人得靈長。不死復不老。萬歲如平常。赤泉給我

飲。眞邱足我糧。方與三辰游。壽考豈渠央。

山經云不死民在交脛國東其人黑色壽

死不

夸父誕宏志乃與日競走俱至虞淵下似若無勝負神力既殊
妙傾河焉足有餘迹寄鄧林功竟在身後

精衛銜微木將以填滄海刑天舞干戚猛志故常在同物既無

慮化去不復悔徒設在昔心良晨詎可待

山經云精衛炎帝之少女名曰女娃游於

東海溺而不返常銜西山之木石以填

東海刑天獸名也口中好銜干戚而舞

巨猾肆威暴欽鴟違帝旨竅窳強能變祖江遂獨死明明上天
鑿爲惡不可履長枯固已劇鷓鴣豈足恃

鳥鳥當作

見城邑其國有放士念彼懷王世當時數來止青邱

有奇鳥自言獨見爾本爲迷者生不以喻君子

巖巖顯朝市。帝者慎用才。何以廢共鯨。重華爲之來。仲父獻誠

言。姜公乃見猜。臨沒告飢渴。當復何及哉。

蘇竊帝之息。壤以厚。洪水帝令祝融殺之。

羽邱仲父請去豎刁。三子齊桓公不聽。

擬挽歌辭三首

有生必有死。早愈非命促。昨暮同爲人。今日在鬼錄。魂氣散何

之。枯形寄空木。嬌兒索父嗝。良友撫我哭。得失不復知。是非安

能覺。千秋萬歲後。誰知榮與辱。但恨在世時。飲酒不得足。

在昔無酒飲。今日

一作

湛空觴。春醪生浮蟻。何時更能嘗。殺案

盈我前。親舊哭我旁。欲語口無音。欲視眼無光。昔在高堂寢。今

宿荒草鄉。一朝出門去。歸來夜未央。

荒草何茫茫。白楊亦蕭蕭。嚴霜九月中。送我出遠郊。四面無人
居。高墳正嶺巒。馬爲仰天鳴。風爲自蕭條。一作鳥爲動哀。幽室
一已閉。千年不復朝。千年不復朝。賢達無奈何。向來相送人。各
自還其家。親戚或餘悲。他人亦已歌。死去何所道。託體同山阿。

桃花源詩並記

晉太元中武陵人捕魚爲業緣溪行忘路之遠近忽逢
桃花林夾岸數百步中無雜樹芳草鮮美落英繽紛漁
人甚異之復前行欲窮其林林盡水源便得一山山有
小口髣髴若有光便捨船從口入初極狹纔通人復行
數十步豁然開朗土地平曠屋舍儼然有良田美池桑

竹之屬阡陌相通雞犬相聞其中往來種作男女衣著
悉如外人黃髮垂髫竝怡然自樂見漁人乃大驚問所
從來具答之便要還家設酒殺雞作食村中聞有此人
咸來問訊自云先世避秦時亂率妻子邑人來此絕境
不復出焉遂與外人間隔問今是何世乃不知有漢無
論魏晉此人一一爲具言所聞皆歎惋餘人各復延至
家皆出酒食停數日辭去此中人語云不足爲外人道
也旣出得其船便扶一作於向路處處誌之及郡下詣太
守說如此太守卽遣人隨其往尋向所誌遂迷不復得
路南陽劉子驥高尙士也聞之欣然規往一本有游未

果尋病終後遂無問津者

嬴氏亂天紀賢者避其世黃綺之商山伊人亦云逝往迹浸復
湮來逕遂蕪廢相命肆農耕日入從所憩桑竹垂餘蔭菽稷隨
時藝春蠶收長絲秋熟靡王稅荒路曠交通雞犬互鳴吠俎豆
猶古法衣裳無新製童孺縱行歌斑白歡游詣草榮識節和木
衰知風厲雖無紀歷誌四時自成歲怡然有餘樂於何勞智慧
奇蹤隱五百一朝敞神界瀉薄旣異源旋復還幽蔽借問遊方
士焉測塵囂外願言躡輕風高舉尋吾契

謝康樂五古六十五首

述祖德詩二首

序曰太元中王父龜定淮南負荷世業尊主隆人逮賢
相徂謝君子道消拂衣藩岳考卜東山事同樂生之時

志期范懿之舉

達人貴自我高情屬天雲兼抱濟物性而不嬰垢氛段生藩魏

國展季救魯人弦高犒暗師

暗舊作晉呂氏春秋載秦三帥對

大國之地高誘注曰暗國名也

仲連卻秦軍臨組乍不緹對珪甯肯分惠物辭

所賞勵志故絕人茗茗歷千載遙遙播清塵清塵竟誰嗣明哲

垂經綸

明哲指祖玄也

委講綴道論改服康世屯屯難既云康尊主隆

斯民

律丁

中原昔喪亂喪亂豈解已崩騰永嘉末逼迫太元始

永嘉懷帝年號太元

孝武年號 河外無反正 江介有誠 圯萬邦咸震 懼橫流賴君子拯溺

絲道情竊暴資神理 秦趙欣來 蘇燕魏遲文軌 賢相謝世運遠

圖因事止高揖七州外拂衣五湖裏 隨山疏濬潭傍巖藝枌梓

遺情舍塵物貞觀邱壑美工律○河外謂洛陽西晉一失不復

也賢相謂祖玄也舜分十二州東晉時有其七故曰七州

九日從宋公戲馬臺集送孔令武帝為宋公在彭城九日出項羽戲馬臺○孔靖字

季恭宋臺初建以為尚書令讓不受辭謝東歸高祖饒之百僚賦詩

季秋邊湖苦旅鴈違霜雪淒淒陽冉非皎皎寒潭繫同潔良辰感

聖心雲旗興暮節鳴葭戾朱宮蘭卮獻時哲 餞宴光有孚和樂

隆所缺在宥天下理吹萬羣方悅歸客遂海隅脫冠謝朝列 殞

棹薄枉渚指景待樂關河流有急瀾浮驂無緩轍豈伊川途念

宿心愧將別彼美邱園道喟焉傷薄劣

時哲歸客皆指孔令也

樂缺矣此云隆所缺謂尚有鹿鳴之意孔以養素爲榮而已以戀位爲辱故云愧將別

從遊京口北固應詔

玉璽戒誠信黃屋示崇高事爲名教用道以神理超昔聞汾水

遊今見塵外鏢鳴笳發春渚稅鑿登山椒張組眺倒景

吳都賦張組帷

搆流蘇列筵矚歸潮遠巖映蘭薄白日麗江皋原隰萋綠柳墟囿

散紅桃皇心美陽澤萬象咸光昭顧已枉維繫撫志慚場苗工

拙各所宜終以反林巢曾是繁舊想覽物奏長謠

玉璽黃屋二事皆因辨名

教而立之等威也若道則有超乎二事之外者矣

永初三年七月十六日之郡初發都

沈約宋書高祖永初三年五月崩少帝卽

位出靈運爲永嘉郡守少帝猶未改元故云永初

述職期闕暑理棹變金素秋岸澄夕陰火旻團朝露辛苦誰爲

情遊子值頽暮愛似莊念昔久敬曾存故

莊子夫越之流人去國旬月見所當見於

國中喜及期年也見似人而喜矣韓詩外傳會子曰少而學長而忘之一費也事君有功輕而負之二費也久友交而中絕三

也如何懷土心持此謝遠度李牧愧長袖卻克慚躡步

戰國策李牧至

趙王使韓蒼數之曰王賜將軍將軍爲壽裨七首當死牧曰身

大臂短不能及地故使工人爲木杖以接手上若弗信請視之

左傳卻克徵會於齊頃公帷婦良時不見遺醜狀不成惡曰余

人使覲之卻子登婦人笑於房

亦支離依方早有慕

莊子支離疏者頽隱於齊肩高於頂會撮指天五管在上兩髀爲脅又子桑戶死孟

子反子琴張或鼓琴相和而

生幸休明世親蒙英達願

英達謂

歐孔子曰彼遊方之外者也

廬陵王

也空班趙氏璧徒乖魏王瓠莊子魏王贖我大瓠之種我樹之
舉剖以爲瓢則瓠落而無所容非從來漸二紀始得傍歸路靈
不揭然大矣吾爲其無用捨之從來漸二紀始得傍歸路
之永嘉必塗經始甯故宅及祖父邱墓將窮山海迹永絕賞心
皆在始甯故曰傍歸路始甯今上虞也

鄰里相送至方山

祗役出皇邑相期憩甌越解纜及流潮懷舊不能發析析就衰
林皎皎明月含情易爲盈遇物難可歇積痾謝生慮寡愁罕
所闕資此永幽棲豈伊年歲別各勉日新志音塵慰寂蔑資之
理爲幽棲之道豈止年歲之別將有終焉之志

過始甯墅

沈約宋書靈運父祖竝葬始甯縣竝有故宅及
墅遂修營舊業及幽居之美水經注曰始甯縣

西本上虞
之南鄉也

東髮懷耿介逐物遂推遷遠志似如昨二紀及茲年緝磷謝清

曠疲茶慙貞堅拙疾相倚薄還得靜者便剖竹守滄海守永嘉枉

帆過舊山常過始山行窮登頓水涉盡洄沿巖峭嶺稠疊洲榮渚

連綿白雲抱幽石綠篠媚清漣葺宇臨迴江築觀基曾巔揮手

告鄉曲三載期歸旋且爲樹枌檟無令孤願言工律

富春渚

宵濟漁浦潭旦及富春郭定山緬雲霧赤亭無淹薄迴流觸驚

急臨圻阻參錯亮乏伯昏分險過呂梁壑列子伯昏無人臨百

分垂在外揖禦寇而進禦寇伏地汗流至踵無入曰至人上闕
青天下潛黃泉神氣不變今汝殆矣又孔子觀於呂梁懸水三

十何流沫三十里龜
龍魚鼈不能游也

存至宜便習兼山貴止託平生協幽期淪

躡困微弱久露干祿請始果遠遊諾宿心漸申寫萬事俱零落

懷抱既昭曠外物徒龍螭

徒龍螭云者聽其或屈或伸於己心了若無與也

七里瀨

羈心積秋農農積展遊眺孤客傷逝滿徒旅苦奔峭石淺水潺

湲日落山照曜荒林紛沃若哀禽相叫嘯遭物悼遷斥存期得

要妙

物外物也

既乘上皇心

五臣作情

莊子監照下

豈屑末

代誚目覩嚴子瀨想屬仕公釣莊子在公釣為大鉤巨綸五十

魚已而得大魚刺河以東誰謂古今殊異代可同調

晚出西射堂

永嘉郡射堂

五古

謝靈運

三

步出西城

集作

門遙望城西岑連障疊巘嶸青翠杳深沈曉霜

楓葉丹夕薰嵐氣陰節往感不淺感來念已深羈雌戀舊侶迷

鳥懷故林含情尙勞愛如何離賞心言鳥含情尙知勞愛况平人而難於賞心也撫

鏡華緇鬢攪帶緩促衿安排徒空言幽獨賴鳴琴

登池上樓

永嘉郡池上樓

潛虬媚幽姿飛鴻響遠音薄霄愧雲浮棲川怍淵沈進德智所

拙退耕力不任徇祿反窮海臥病對空林衾枕昧節候褰開暫

窺臨傾耳聆波瀾舉目眺軀嶽初景革緒風新陽改故陰神農本草

池塘生春草園柳變鳴禽日春夏爲陽祁傷幽歌萋萋感楚秋冬爲陰

吟索居易永久離羣難處心持操豈獨古無悶徵在今此以深潛而葆

真鴻以高飛而遠害今以
嬰俗網故有愧虬鴻也

遊南亭

永嘉郡南亭

時竟夕澄霽雲歸日西馳密林含餘清遠峯隱半規久痾昏墊
苦旅館眺郊岐澤蘭漸被徑芙蓉始發池未厭青春好已觀朱
明移戚戚感物歎星星白髮垂藥餌情所止衰疾忽在斯逝將
候秋水息景偃舊巖我志誰與亮賞心惟良知

遊赤石進帆海

永嘉安固二縣中路東南便是赤石又枕海

首夏猶清和芳草亦未歇水宿淹晨暮陰霞屢興沒周覽倦瀛
壖况乃凌窮髮川后時安流天吳靜不發揚帆採石華掛席拾
海月溟漲無端倪虛舟有超越仲連輕齊組明海上可悅子牟眷魏

闕言雖悅海上矜名道不足適己物可忽請附任公言終然謝

天伐

工律

登江中孤嶼

永嘉江也

江南倦歷覽江北曠周旋懷新道轉迴尋異景不延亂流趨正絕孤嶼媚中川雲日相輝映空水共澄鮮表靈物莫賞蘊真誰爲傳想像崑山姿緬邈區中緣始信安期術得盡養生年工律

登永嘉綠嶂山詩

裹糧杖輕策懷遲上幽室行源逕轉遠距陸情未畢澹澹結寒姿團欒潤霜質澗委水屢迷林迴巖逾密眷西謂初月願東宜落日踐一作殘夕奄昏曙蔽翳皆周悉蠱上貴不事履二美貞吉

幽人常坦步高尙邈難匹
願阿竟何端寂寂寄抱一恬如既已
交繕性自此出

郡東山望溟海詩

一作東山望海

開春獻初歲白日出悠悠蕩志將愉樂
瞰海庶忘憂策馬步蘭皋
縹控息椒邱采蕙遵大薄
攀若履長洲白花隔陽林紫鬱一作
翹春流非徒不弭忘覽物情彌適
萱蘇始無慰寂寞終可求

遊嶺門山詩

西京誰修政翼汲稱良吏君子豈定所
清塵慮不嗣早涖建德鄉民懷虞芮
意海岸常寥寥空館盈清思協以上冬
月晨遊肆所喜千圻邈不同萬嶺狀皆異
威摧三山峭滌汨兩江駛威摧滌汨

皆疊韻
連綿字
魚舟豈安流
樵拾謝西芘
人生誰云樂
貴不屈所志

石室山詩

清旦索幽異
放舟越坳郊
莓莓蘭渚急
藐藐苔嶺高
石室冠林
岷飛泉發山
椒虛泛徑千
載崢嶸非一
朝鄉村絕聞
見樵蘇限
風霄微戎無
遠覽總笄羨
升喬靈域久
韜隱如與心
賞交合歡
不容言摘芳
弄寒條

登上戍石鼓山詩

旅人心長久
憂憂自相接
故鄉路遙遠
川陸不可涉
汨汨莫與
娛發春託登
躡歡願既無
竝戚慮庶有
協一作怯極目
眺左關迴
願眺右狹日
末澗增波雲
生嶺逾疊白
芷競新苔
綠躡齊初葉

摘芳靡諼愉樂不變佳期緬無像騁望誰云愜

行田登海口盤嶼山

羈苦孰云慰觀海藉朝風莫辨洪波極誰知大壑東依稀採菱歌
髣髴含嘖容遨遊碧沙渚遊行丹山峯

白石巖下徑行田

小邑居易貧災年民無生知淺懼不周愛深憂在情舊業橫海
外蕪穢積頽齡饑饉不可久甘心務經營千頃帶遠堤萬里瀉
長汀洲流涓滄合連統塍埒并雖非楚宮化荒闕亦黎明雖非
鄭白渠每歲望東京天鑿儻不孤來茲驗微誠

齋中讀書

昔余遊京華。未嘗廢邱壑。矧乃歸山川。心跡雙寂寞。虛館絕諍
訟。空庭來鳥雀。臥疾豐暇豫。翰墨時間作。懷抱觀古今。寢食展
戲謔。既笑沮溺苦。又哂子雲閣。執戟亦以疲。耕稼豈云樂。萬事
難並歡。達生幸可託。工律

命學士講書

臥病同淮陽。宰邑曠武城。弦歌愧言子。清淨謝汲生。古人不可
攀。何以報恩榮。時往歲易周。聿來政無成。曾是展余心。招學講
羣經。鑠金既云刃。凝土亦能型。望爾志尙隆。遠嗣竹箭聲。敢謂
荀氏訓。且布一作有蘭陵情。待罪豈久期。禮樂俟賢明。

種桑詩

詩人陳條柯亦有美攘剔前脩爲誰故後事資紡績常佩知方
誠愧微富教益浮陽驚嘉月藝桑迨間隙疏欄發近郭長行達
廣場曠流始茲泉酒塗猶跬跡俾此將長成慰我海外役

初去郡

彭辭裁知恥貢公未遺榮

漢書王莽秉政專權彭宣上書乞骸骨又辭廣德爲御史大夫乞骸骨班

固述曰廣德當宣近於知恥又貢禹爲賦或可優貪競豈足稱達

光祿大夫上書乞骸骨鍾會有遺榮賦生伊余秉微尙拙訥謝浮名廬園當樓巖卑位代躬耕願已確

自許心迹猶未并無庸方

選作妨

周任有疾像長卿畢娶類尙子

薄遊似邴生恭承古人意促裝返柴荆牽絲及元興解龜在景

平率絲初仕解龜去官也臧榮緒晉書曰安帝卽位改元曰元興靈運初爲琅邪王行車參軍沈約宋書曰少帝卽位改元

日景不應疎詩不悟牽朱絲三
負心二十載於今廢將迎理棹

遊還期遵渚驚脩坳溯溪終水涉登嶺始山行野曠沙岸淨天

高秋月明憩石挹飛泉攀林蹇落英戰勝懼者肥鑿止流歸停

韓子子夏曰吾入見先王之義則榮之出見富貴又榮之二者
戰於胸臆故懼今見先王之義戰勝故肥也文子莫監於流潦
而監於即是義唐化獲我擊壤情一作

田南樹園激流植援

樵隱俱在山繇來事不同不同非一事養痾亦園中樵者在山
隱者亦在

山老圃在園吾之養痾亦在園所以中國一作屏氛雜清曠招

遠風卜室倚北阜啟扉面南江激澗代汲井激中插槿當列墉植

羣木既羅戶樹眾山亦當窗靡迤趨下田田迢遞瞰高峯寡欲

不期勞卽事，罕人功。唯開蔣生徑，永懷求羊蹤。賞心不可忘，妙

善冀能同。

首尾兩押同韻

石壁精舍還湖中作

昏旦變氣候，山水含清暉。清暉能娛人，遊子憺安歸。出谷日
尚早，入舟陽已微。林壑斂暝色，雲霞收夕霏。芰荷迭映蔚，蒲稗
相因依。披拂趨南逕，愉悅偃東扉。慮澹物自輕，意愜理無違。寄
言攝生客，試用此道推。

律工

登石門最高頂

晨策尋絕壁，夕息在山棲。疏峯抗高館，對嶺臨迴溪。長林羅戶
穴，一作庭積石擁階基。連巖覺路塞，密竹使徑迷。來人忘新術，去

子惑故蹊活活夕流駛噉噉夜猿嘯沈冥豈別理守道自不攜
心契九秋榦目翫三春蕙居常以待終處順故安排惜無同懷
客共登青雲梯

石門新營所住四面高山迴溪石瀨茂林修竹

躋險築幽居披雲臥石門苔滑誰能步葛弱豈可捫嫋嫋秋風
過萋萋春草繁美人遊不還佳期何繇敦芳塵凝瑤席清醕滿
金尊洞庭空波瀾桂枝徒攀翻結念屬霄漢孤景莫與諉俯濯
石下潭仰看條上猿早聞夕飈急晚見朝日曛巖傾光難留林
深響易奔感往慮有復理來情無存庶持乘日車選用得以慰
營魂匪爲眾人說冀與智者論

於南山往北山經湖中瞻眺

朝旦發陽巖

南

景落憩陰峯

北

舍舟眺迴渚

經湖中

停策倚茂松

側逕既窈窕

環舟亦玲瓏

倪視喬木杪

仰聆大壑瀟

瀟瀟與深同

毛萇曰瀟

水會也

石橫水分流

林密蹊絕蹤

解作竟何感

升長皆丰容

升解作

長

用二卦名

初篁包綠葍

新蒲含紫茸

海鷗戲春岸

天雞弄和風

瞻眺

所見

撫化心無厭

覽物眷彌重

不惜去人遠

但恨莫與同

孤遊非情

歎賞廢理誰通

從斤竹澗越嶺溪行

猿鳴誠知曙

谷幽光未顯

巖下雲方合

花上露猶泫

逶迤傍隈

隈

輿洞

迢遞陟陁峴

嶺

過澗既厲急

登棧亦陵緬

川渚屢徑復

溪

乘流翫迴轉蘋萍泛沈深菰蒲冒清淺企石挹飛泉攀林摘葉
卷想見山阿人薜蘿若在眼握蘭勤徒結折麻心莫展情用賞
爲美事昧竟難辨觀此遺物慮一悟得所遣

律工

過白岸亭詩

拂衣遵沙垣緩步入蓬屋近澗涓密石遠山映疏木空翠難強
名漁釣易爲曲援蘿聆青巖春心自相屬交止栩黃吻啣食
萃鹿傷彼人百哀嘉爾承筐樂悴迭去來窮通成休憾未若
長疏散萬事恆抱朴

夜宿石門詩

拾遺作石門巖上宿

朝攀苑中蘭畏彼霜下歇暝還雲際宿美此石上月烏鳴識夜

棲木落知風發異音同至聽殊響俱清越妙物莫爲賞芳醕誰與伐美人竟不來陽阿徒晞髮

南樓中望所遲客

杳杳日西頽漫漫長路迫登樓爲誰思臨江遲來客與我別所期期在三五夕圓景早已滿佳人殊五臣作猶未適卽事怨睽攜感物方悽感孟夏非長夜晦明如歲隔瑤華未堪折蘭若已屢摘路阻莫贈問云何未離析搔首訪行人引領冀良覲

廬陵王墓下作

宋武帝子義真爲廬陵王聰敏好文常與靈運往來會少帝失德議廢立次在廬陵

徐羨之等奏廢廬陵爲庶人旋殺之因遷靈運後知無罪召還文帝問曰南來何所制作對曰過廬陵墓作一篇

曉月發雲陽落日次朱方含悽泛廣川灑淚眺連岡眷言懷君

子沈痛切中腸道消絕憤懣運開申悲涼神期恆若存德音初

不忘徂謝易永久松柏森已行延州協心許新序延陵季子聘

徐君色欲之己心許矣反則徐楚老惜蘭芳漢書龔勝楚人也

君死於是以劍挂徐君墓而去及撫墳徒自傷平生疑若

薰以香自燒膏以明自銷解劍竟何及桓子新論曰漢高祖功

人通蔽互相妨若人謂延州天造老也桓子新論曰漢高祖功

也理感深情慟定非識所將已上八句言向疑吳札楚老爲情

識亦不能自將也將猶持也脆促良可哀天枉特兼常猶云一

隨往化滅安用空名揚舉身泣已瀝長歎不成章工律

還舊園作見顏范二中書顏延之范泰也

辭滿豈多秩謝病不待年偶與張邴合張良邴久欲還東山聖

靈昔迴眷謂宋高祖微尙不及宣謂歸隱之志何意衝飈激烈火縱

炎煙焚玉發崑崙餘燎遂見遷沈約宋書少帝卽位權在大臣

出爲永嘉太守投沙理既迫如邛巔亦愆投沙以置置自況如邛長與

歡愛別永絕平生緣浮舟千仞壑總繼萬尋巔流沫不足險石

林豈爲艱閭中安可處日夜念歸旋事蹟兩如直言媿不似史

也心愜三避賢言慕孫叔敖三去相之賢也託身青雲上棲巖

挹飛泉盛明盪氛昏貞休康屯適指宋武帝殊方感成貸微物豫采

甄謂已昔感深操不固質弱易扳纏曾是反昔園語往實款然

疑當作曩基卽先築故池不更穿果木有舊行壤石無遠延雖

欲然

非休憩地聊取永日閒
衛生自有經息陰謝所牽
夫子照清素
投懷授往篇

酬從弟惠連

惠連有西陵遇風
康樂詩見本集

寢瘵謝人徒滅迹入

雲峯巖壑寓耳目歡愛隔音容永絕賞心

望長懷莫與同末路

值令弟開顏披心胸

首章喜惠連之來會

心胸既云披意得咸

在茲凌澗尋我室散帙問所知夕慮曉月

流朝忌曠日馳晤對

無厭歇聚散成分離

次章喜其聚而慮其離

分離別西川迴景歸

東山別時悲已甚別後情更延傾想遲嘉

音杲枉濟江篤辛勤

風波事款曲洲渚言

三章敘別後得其來詩

州渚既淹時風波子

行遲務協華京想詎存空谷期猶復惠來

章祇足攬余思儻若

果歸言共陶暮春時

暮春雖未交仲春善

遊遨山桃發紅萼野蕨漸紫苞嚶鳴已悅

豫幽居猶鬱陶夢寐

仁歸舟釋我吝與勞

登臨海嶠初發

疆中作與從弟惠連可見羊何其和之作

登臨嶠與從弟惠連一首

杪秋尋遠山山遠行

不近與子別山阿含酸赴脩畛中流袂就

判欲去情不忍顧望

脰未悵陸彥聲詩曰相思心腕勞相望汀

曲舟已隱

隱汀絕望舟驚棹逐

一作驚流欲抑一生歡竝奔千里遊日落

當棲薄繫纜臨江樓

豈惟夕情斂憶爾共淹留

謝靈運

五古

里

淹留昔時歡復增今日歎茲情已分慮況乃協悲端秋泉鳴北澗哀猿響南巒戚戚新別心悽悽久念攢

攢念攻別心曰發清溪陰暝投刻中宿明登天姥岑高高入雲霓還期那可尋儻遇浮邱公長絕子微音

初發石首城

沈約宋書靈運陳疾東歸會稽太守孟顛表其有異志靈運馳往京都詣闕上表太祖知其見誣不罪也以爲臨川內史

白圭尙可磨斯言易爲緇雖抱中孚爻猶勞貝錦詩寸心若不

亮微命察如絲日月垂光景

指宋太祖

成貸遂兼茲貸施也既貸其性命又予以官

職故曰

出宿薄京畿農裝搏曾颺

曾颺猶層颺也搏字用重經

平生別再與朋知辭

前之永嘉今適臨川故曰再與朋知辭

故山曰已遠風波豈

還時迢迢萬里帆茫茫終何之遊當羅浮行息必廬霍期越海
陵三山遊湘歷九嶷欽聖若巨擘懷賢亦悽其皎皎明發心不
爲歲寒欺

入東道路詩

整駕辭金門命旅惟詰朝懷居顧歸雲指塗泝行廳屬值清明
節榮華感和韶陵隰繁綠杞墟園粲紅桃鷺鷥方雉織織麥
垂苗隱畛邑里密緬邈江海遼滿目皆古事心賞貴所高魯連
謝千金延州權去朝行路既經見願言寄吟謠

道路憶山中

采菱調易急江南歌不緩楚人心昔絕越客腸今斷斷絕雖殊

念俱爲歸慮款存鄉爾思積憶山我憤懣

越客靈運自謂楚人

指屈原存鄉句亦指

屈原追尋棲息時偃臥任縱誕得性非外求自己爲誰纂已止也

也

莊子曰夫吹萬不同而使之自己

也言情已止矣不解因何復纂也不怨秋夕長常一作苦夏日

短濯流激浮湍息陰倚密竿旦切懷故叵新歡含悲忘春暖悽

也

悽明月吹惻惻廣陵散殷勤訴危柱慷慨命促管

入彭蠡湖口

客遊倦水宿風潮難具論洲島驟迴合圻岸屢崩奔乘月聽哀

狄浥露馥芳蓀春晚綠野秀巖高白雲屯千念集日夜萬感盈

朝昏攀巖照石鏡牽葉入松門三江事多往九派理空存靈物

吝珍怪異人祕精魂金膏滅明光水碧綴五臣作輟流溫徒作千里

曲絃絕念彌敦

入華子岡是麻源第三谷

南州竇炎德桂樹陵寒山銅陵映碧澗石磴瀉紅泉旣枉隱淪
客亦棲肥遁賢險徑無測度天路非術阡遂登羣峯首逸若升
藝文類聚作騰雲煙羽人絕髣髴丹邱徒空筌圖牒復磨滅碑版誰聞
傳莫辨百代後安知千載前且申獨往意乘月弄潺湲恆充俄
頃用豈爲古今然

登歸瀨三瀑布望兩溪

我行乘日垂放舟候月圓沫江免風濤涉清弄漪漣積石竦兩
溪飛泉倒三山亦旣窮登陟荒藹橫目前窺巖不覩景披林豈

見天陽烏尚傾翰幽篁未爲遑退尋平常時安知巢穴難風雨
非攸恹擁志誰與宣儻有同枝條此卽千年

初往新安桐廬口

絺綌雖淒其授衣尙未至感節良已深懷古亦云徒一作役思不有
千里棹孰申百代意遠協尙子心遙得許生計旣及冷風善又
卽秋水駛江山共開一作開曠雲日相照媚景夕羣物清對玩咸
可憇

擬魏太子鄴中集詩八首並序

建安末余時在鄴宮朝遊夕讌究歡愉之極天下良辰
美景賞心樂事四者難并今昆弟友朋二三諸彥共盡

之矣古來此娛書籍未見何者楚襄王時有宋玉唐景
梁孝王時有鄒枚巖馬遊者美矣而其主不文漢武帝
徐樂諸才備應對之能而雄猜多忌豈獲晤言之適不
誣劣將庶必賢於今日爾歲月如流零落將盡撰文懷
人感往增愴其辭曰

魏太子

百川赴巨海眾星環北辰照灼爛霄漢遙裔起長津天地中橫
潰家王五臣作皇拯生民區宇旣蕩滌羣英必來臻忝此飲賢性絲
來常懷仁况值眾君子傾心隆日新論物靡淨說析理實敷陳
羅縷豈闕辭窈窕究天人澄觴滿金巵連榻設華茵急絃動飛

聽清歌拂梁塵莫

善作何

言相遇易此歡信可珍

工律

王粲

家本秦川貴公子孫遭亂流寓自傷情多

幽厲昔崩亂桓靈今板蕩伊洛旣燬煙函峭沒無像

五臣作象整裝

亂秦川秣馬赴楚壤

漿至荆州也

沮漳自可美客心非外獎常歎詩

人言式微何繇往上宰奉皇靈

指魏武帝

侯伯咸宗長雲騎亂漢南

宛善作紀

郢皆掃盪

謂平割表也

排霧屬盛明披雲對清朗慶泰欲重

疊公子特先賞不謂息肩願一旦值明兩竝載遊鄴京方舟泛

河廣綢繆清讌娛寂寥梁棟響旣作長夜飲豈願乘日養

工律

陳琳

袁本初書記之士故述喪亂事多

皇漢逢迤邐天下遭氛懸董氏淪關西袁家擁河北單民易周

章誓身就羈勒豈意事乖已永懷戀故國相公實勤主

指魏武帝信

能定蚤賊復覩東郡輝重見漢朝則餘生幸已多矧迺值明德

指魏文也

哀哇動梁埃急觴盪幽默且盡一日娛莫知古來惑

五臣作闕

朝遊窮曠黑

徐幹

少無宦情有箕穎之心事故仕世多素辭

伊昔家臨淄提攜弄齊瑟置酒飲膠東淹留憩高密此歡謂可

終外物始難畢搖蕩箕濮情窮年迫憂慄未塗幸休明棲集建

薄質已免負薪苦，仍遊椒蘭室。清論事究萬，美話信非一行觴。

奏悲歌，永夜繫五臣白日華屋非蓬居。時髦豈余匹，中飲願昔

心悵焉。若有失孟知之中飲而出國。潘按中飲猶曰酒半也。鄭

注夫官小宰中字別之三國志周瑜傳中江舉帆兩中字典中飲略同

劉楨

卓犖偏人而文，最有氣所得頗經奇。

貧居晏里閤，少小長東平。河兗當衝要，淪飄薄許京。廣川無逆

流，招納厠羣英。北渡黎陽津，南登宛善作郢城。既覽古今事，頗

得治亂情。歡友相解達，敷奏究平生。矧荷明哲顧，知深覺命輕。

朝遊牛羊下，暮坐括搗鳴。終歲非一日，傳卮弄清聲。辰事旣難

諧歡願如今并唯羨肅肅翰縝紛戾高冥工律○括揭鳴疑當
義同時揭鳴即雞鳴謂晨也朝
遊則至於夕暮坐則達於晨也

應瑒

汝穎之士流離世故頗有飄薄之歎

嗷嗷雲中鴈舉翮自委羽求涼弱水湄違寒長沙渚顧我梁五
涼作川時緩步集穎許一旦逢世難淪薄恆羈旅天下昔未定託
身早得所官渡厠一卒烏林預艱阻晚節值眾賢會同庇天宇
列坐蔭華榭金樽盈清醕始奏延露曲繼以闌夕語調笑輒酬
答嘲謔無慚沮傾軀無遺慮在心良已敘工律

阮瑀

管書記之任故有優渥之言

河洲多沙塵。風悲黃雲起。金羈相馳逐。聯翩何窮已。慶雲惠優渥。微薄攀多士。念昔渤海時。南皮戲清沚。今復河曲遊。鳴葭汎蘭泥。灑步陵丹梯。竝坐侍君子。妍談旣愉心。哀音一作弄信睦耳。傾醕係芳醕。酌言豈終始。自從食萍來。惟見今日美。工律

平原侯植

公子不及世事。但美遨遊。然頗有憂生之嗟。

朝遊登鳳閣。日暮集華沼。傾柯引弱枝。攀條摘蕙草。徒倚窮騁望。目極盡所討。西顧太行山。北眺邯鄲道。平衢修且直。白楊信裊裊。副君命飲宴。謂文帝也歡娛寫懷抱。良遊匪晝夜。豈云晚與早。

眾寶悉精妙。清辭灑蘭藻。五臣作哀音下迴鶴。餘哇徹清昊。中

山不知醉飲德。方覺飽願以黃髮。期養生念將老。工律

石壁立招提精舍

四城有頓蹟。三世無極已。浮歡昧眼前。沈照貫終始。壯齡緩前期。頽年迫暮齒。揮霍夢幻頃。飄忽風電起。良緣追未謝。時逝不可俟。敬擬靈鷲山。尙想祇洹軌。絕澗飛庭前。高林映窗裏。禪室樓空觀。講宇析妙理。

過瞿溪山僧

迎旭凌絕磴。映泣歸澗浦。鑽燧斷山木。掩岸墜石戶。結架非丹甍。藉田資宿莽。同遊息心客。曖然若可覩。清霄颺浮煙。空林響

法鼓忘懷狎鷗鰲。攝生馴兕虎。望嶺眷靈鷲。延心念淨土。若乘
四等觀。永拔三界苦。

七夕詠牛女

火逝首秋節。新明弦月夕。月弦光照戶。秋首風入隙。凌峯步曾
藝文崖。憑雲肆遙服。徒倚西北庭。竦踊東南覲。紈綺無報章。河
作岑漢有駿軔。

彭城宮中直感歲暮

草草眷徂物。契契矜歲殫。楚豔起行戚。吳趨絕歸懽。修帶緩舊
裳。素鬢改朱顏。晚暮悲獨坐。鳴鴉歇春蘭。

會吟行

六引緩清唱三調仁繁音列筵皆靜寂咸共聆會吟會吟自有
初請從文命敷敷續壺羹始刊木至江汜列宿炳天文負海橫
地理連峯競千仞背流各百里滌池溉粳稻輕雲暖松杞兩京
愧佳麗三都豈能似層臺指中天高塘積崇雉飛燕躍廣途鷁
首戲清津肆呈窈窕容路曜便娟子自來彌年代賢達不可紀
句踐善廢興越叟識行止范蠡出江湖梅福入城市東方就旅
逸梁鴻去桑梓牽綴書士風辭彈意未已

樂府詩集有燕歌行二首七古各十二句 樂府詩集有燕歌行二首七古各十二句 樂府詩集有燕歌行二首七古各十二句

古善哉行一首四言 隴西行一首四言 順東西門行一首七古

一首長短句 上畱田行一首九言皆以非五古未鈔外五

言中有泰山吟一首八句 君子有所思行二十句 悲哉

豫章行一首二十句 緩歌行一首八句 苦寒行一首六句 皆

八哀詩少 卷二 五古 謝靈運 昌

選本

十八家詩鈔卷二

善化黃維申
魏校